

臺灣文獻類編

臺灣先賢詩文集彙刊

四二四 誦清堂詩集

十二卷

【金門】林 豪撰 林策勳輯、黃朝貴校對

民國四十六年（一九五七）五月 菲律賓宿務市

大眾印書館刊本

呂興昌 審訂
黃哲永 主編

龍文出版社 印行

誦清堂詩集／林 豪撰

--臺北縣板橋市：龍文，2006〔民95〕
面；公分。--（臺灣文獻類編。臺灣先
賢詩文集彙刊，第四輯；20）

ISBN 957-2006-39-8(精裝)

851.486

95007386

臺灣先賢詩文集彙刊 第四輯

20 誦清堂詩集／林 豪撰

審 訂／呂興昌

主 編／黃哲永

出版者／龍文出版社股份有限公司

發行人／周 崑 陽

地 址／台北縣板橋市中正路341巷32號一樓

電 話／02-22728092

傳 真／02-22721670

登記證／局版台業第4167號

出版日／2006年5月

定 價／新臺幣15,000元 精裝20冊

ISBN /957-2006-39-8

總經銷／年豐企業有限公司

地 址／台北縣深坑鄉北深路三段155巷19號10樓

電 話／02-26641712

傳 真／02-26621764

誦清堂詩集

誦清堂詩集

十二卷

〔金門〕林 豪撰 林策勳輯、黃朝貴校對
民國四十六年五月菲律賓宿務市大眾印書館刊本

林 豪（一八八一—一九一八）字嘉卓，一字卓人，號次通，金門後浦人。負笈廈門玉屏書院，受教於莊牧亭。咸豐九年（一八五九）舉於鄉。越年至台灣，居艋舺。時戴潮春起事，林占梅奉命辦團練，見而禮之，延主潛園。事平，撰《東瀛紀事》以二卷志之。同治六年（一八六七）淡水同知嚴金清聘修廳志，淡自開設以來，尚無志，雖竹塹鄭用錫曾輯志稿二卷，頗多疏略，豪乃與占梅商訂體例，開局採訪，凡九月，成書十五卷，未刊。而陳培桂繼任同知，別延侯官楊浚修之，楊乃文士而少史識，主講文石書院，又輯《澎湖廳志》，稿存台南。光緒十八年（一八九二）台灣議修通志，各廳縣皆有採訪，而澎湖自中法戰爭之後，建設尤多，通判潘文鳳乃再聘豪纂成之，凡十四卷。嗣內渡，數上春官不售，著書以老，並續修《金門志》。光緒二十八年授連城縣學教諭，以年老不就。三十年南遊新加坡。民國七年卒，年八十八。著《誦清堂詩集》十二卷、《陶園求是錄》二卷、《東瀛紀事》二卷、《瀛海客談》四卷、《星洲見聞錄》二卷、《海東隨筆》、《潛園詩選》、《閩南俚諺儺句》等十九種。（徵引自國家圖書館特藏組編印之《臺灣歷史人物小傳——明清暨日據時期》郭啓傳所撰之詞條）

本書以林氏之姪孫策勳輯刊，一九五七年於菲律賓宿務市大眾印書館印行本影印重刊。書中清末台灣先民之生活景況歷歷如繪，為台灣歷史、文學之重要資料。

通
清
堂
詩
集


于右任



誦清堂詩集

賈景德





林一連先生遺像

其質樸茂其識澄淵古心古貌
遠蹠前賢修志乘以徵文獻擁
鼻比以廣薪傳金臺射策赤
嵌吊古是雲煙底是若廉船
渚燕彷彿孤山詩魂梅影一卷
清芬頻挽千秋名竝逋僊

次逋先生邊照

柯伯行敬題



家傳

族弟策勳好學深思關心文獻為吾族繼起優秀之士前歲既印行其伯祖歆雲先生遺詩一卷近又輯刊族長次逋先生詩集十二卷因念其生平事蹟多可紀者應有一傳以弁卷端乃寓書於余謂先生與吾家兩世師誼知之較稔則此傳非余莫屬余以先生待我厚不敢以不文辭謹按先生諱豪姓林氏字嘉卓一字卓人號次逋福建金門縣人其先系出安溪駟馬派自曾祖移居同安之金門因占籍焉考焜燿歲貢生學者稱竹畦先生曾執贄於分巡興泉永兵備道富陽周芸皋觀察凱及廈門玉屏書院掌教光澤高雨農孝廉澍然之門研習詩古文辭著有竹畦文鈔八卷先生行五天資穎悟學有淵源十五六歲時從先大父遊即淹通十三經及前後漢書諸史讀書目下十行多聞強記未幾遊於庠咸豐己未科舉於鄉越年赴禮部試至魚溝為捻匪所阻公車不得上而是科春闈首題即其秋闈獲雋題目從此七上春官不獲售蓋亦銳於進取也旋赴台灣主林雪村方伯占梅家曾應淡水廳嚴紫卿司馬之聘創修淡水廳志又受聘總纂澎湖廳志兼掌教文石書院一時文風

大振台澎金廈間沾化雨捷鄉闈者不乏其人嗣內渡鄉居一意致力於著述為吾邑清代有數作家光緒八年壬午重修金門志賡續其尊甫昔年所修舊志而增損改觀遂成名著先是里中窮簷小戶困於生齒之累輒聞溺斃女嬰道光間先生尊甫及諸士紳商請縣丞李湘洲籌建育嬰堂捐集經費收養女嬰並呈請分巡道飭由廈三堂董事派員來金專司其事除在地有人領養外即以廈門為尾閭每年送由三堂點收供人具保請領為女兒或苗媳蔚成一種善政詎日久弊生遂同虛設先生不忍湮沒先澤亟請於當道准予收回自辦即南渡星洲捐貲旋里置業生息于是恢復舊觀人多頌德吾鄉夙有海濱鄒魯之稱僻壤婦女能以保節守貞相尚者比比皆是曩曾採訪其里居姓名登載志書惟有子孫顯達者始獲請旌建坊此外猶有多數無能為力殊失普遍表揚之義而節孝貞烈之風逐漸消歇先生為振風勵俗計邀同紳富籌議創建節孝祠募集祭費凡經採報保准咨部有案可由其親屬奉主入祀而百年來舊志登載有名者亦列總牌位於祠中春秋請地方官主祭諸紳董陪同祭讌全島傳為美舉中輟柔安咸知節義為重倫紀肅然金門海島

孤懸風濤險惡帆船交通尤為不便地方苛政綠營弊端為上峯耳目所不及遇有不良吏治或營務貽害閭閻者先生輒毅然陳請於當道必使去之而後已同安渡頭海灘淺遠舟行甚苦人民病涉先生則倡議集捐敷設長橋里餘民衆稱便諸紳董及捐戶均列名碑記現尚屹立渡頭路亭中蓋其文章有力生花之筆娓娓動聽足以鼓舞人心如救護女嬰敬重節婦利濟民生等募啓一出欸立集而事立舉是皆其犖犖大者光緒廿八年壬寅奉部札補授連城縣學教諭以年老不就宣統元年己酉重遊泮水時年七十九民國七年戊午五月十三日卒距生於前清道光十一年辛卯十月十九日享年八十有八著有誦清堂詩集十二卷即現在輯刊者文集十六卷陶園求是錄二卷東溟紀事一卷瀛海客談四卷星洲見聞錄二卷未梓又閩南俚語對一卷乃晚年回憶搜羅游戲筆墨亦博奕猶賢意耳其文孫燕詒曾索序於余先為印行矣子高曾三舍四奇孫燕詒民十金門縣志文苑有傳

族世姪乃斌劍芝氏拜撰丁酉夏五寫于星洲時年七十有六

題詞

君臥涪洲雲我擷筍江秀孤嶼隔中流褰裳不相就同在里門中迢如隔鷺堠一朝
見顏色握手欣如舊君言少至壯翩然不自困瀛海曾飢驅淮流亦做寇挾策走長
安匆匆勞往復生平少嗜癖詩魔容昏晝示我以詩篇鱗鱗等身富知交多吟傳詩
聲發宇宙春深風雨夜一燈淡如豆披卷漏正沉光輝爭列宿此好頗從吾而吾則
弇陋享帚徒自珍虛名苦難副縱眼讀君詩自拔風塵右藩籬諏唐宋體裁辦寒瘦
島噫有繼聲清芬果可漱諸美靡不收喜我及時觀春波綠南浦我行正難留行車
將載脂東風吹別袖臨別此贈言肆談亦知謬同心儻起予各訂千秋壽

余將北行
入都矣

俚句奉題

卓人仁兄同年誦清堂大稿即希吟政

年小弟龔顯曾倚裝草

我朝中葉揮天戈西粵北捻猶窟窩先生閩闡文戰利竟渡淞水趨淮河乘風萬里
恣遊覽俯拾瑤草歌長歌其時皖楚烽烟迫濱海東南存半壁綺羅六代永和年鶯

誦清堂詩集

題詞

二

花三月揚州驛驀然流寇下江來阻絕關津愁過客先生橐筆裁蠻箋征途賦就遠
遊編祖逖渡江饒壯志陸機入洛正華年引用集中句男兒意氣有如此滿地干戈行且
止還從水驛覓歸舟吟情又逐江潮起咏懷古蹟拼牢愁抒寫閒情對芳綺春風吹
夢別杭州詩卷裝成吾行矣乃知先生為此行滄浪有曲寄歌聲祇向淮陰尋漂母
未遑燕市訪荆卿留滯江關足可惜睽懷鄉國不勝情僕馬蹶將詩卷去重灘疊嶺
來時路滿山荆棘路飛塵家園漸歇青雲步時平聊復到春明扶輪航海衝煙霧迴
看吳越昔年遊天末浪花遙望處吁嗟先生誠振奇每因抑塞成新詩逸興飛騰好
偉麗高懷淡蕩忘寒飢臺澎逆旅有述作豈惟避亂當流離同時前輩盛風雅偕行
酬答瓊瑤詞至今兵燹飄零後幸有先生是吾師長留此卷待來者一方文獻徵於
斯

昨讀大著北征草有感謹題卷後即呈

卓人先生吟壇郢正

世愚姪呂 澂頓首拜稿

自序

夫詩者人心之聲也心聲蘊蓄於中有觸斯發此固與生俱來者然亦必由學而成也不肖自學語時先慈卽教以唐詩及古歌詞心竊好之而不自解其何故稍長從先舅父洪嘯雲師遊師訓及門謂學詩須從古體入手不肖謹識之不敢忘故自舞勺後偶有感觸輒私製為歌行各體詩由是造次顛沛此事不廢迨晚年薄遊新嘉坡猶得詩百餘首以歸居無何陵谷遞變風景頓殊而余之吟興亦從此索然矣今則耄期已過一事無成惟是閉戶養疴不聞外事徒以結習所在暇輒取原稿檢視則多夾雜無次乃力加刪汰尚存十有二卷附錄兩卷題曰誦清堂詩集蓋以幼承慈訓以及父師指授極不能忘將古人所謂誦先人之清芬者其卽區區此志乎編既成遂自述緣起云

